

1. Cor. 6. 9.

Galat. 5. 10.

Ephes. 5. 5.

1. Thefs. 4. 4.

gewesen/ aber ihr seyd abgewaschen/ ihr seyd
geheiligt/ ihr seyd Berecht worden/ durch
den Nahmen des Herren Jesu/ vnd durch
den Geist vnsers Gottes/ *q. diceret*, drumb müs-
set ihr ja nicht wieder euch verunreinigen/ entheiligen/
vnd Gottlos werden/ oder ihr werdet das Reich Got-
tes nicht ererben/ 2. Cor: 6. 9.

Ephes. 4. 17. 21.

1. Cor. 6. 17.

Rom. 8. 10.

Deswegen Paulus als der Heyden Apostel fast
nichts mehr thut/ als das er uns beehrte Heyden ver-
mahnet/ an vnsern Beruff zgedencken/ das wir ja
nicht mehr wandeln/ wie die andern Heyden unsere
Vor Eltern gewandelt haben/ in der eytelkeit vnserer
Sinnen/ in Ruchlosigkeit/ Vnzucht/ Vnreinigkeit vnd
Geiz/ Denn wo wir noch also würden leben/ so wür-
den wir Christum noch nicht kennen/ Denn in Chri-
sto ist ein rechtschaffen wesen/ Ephes: 4. 17. 21.
Vnd wer ihm anhanget/ der ist ein Geist mit
ihm/ 2. Cor: 6. 17. Vnd wer seinen Geist nicht
hat/ der ist sein nicht/ Rom: 8. 10.

Diesen vnsern Beruff aber haben wir Christen/
nach vnser beehrung in vnserm Christenthumb gar ver-
gessen/ vnd sind leyder gar fast auff der vorigen Hey-
denstrassen kommen.

Denn was ist vnser Leben heute zu Tage anders/
als ein pur Heydnisch leben? Denn wir leben ja in
grewlicher Vnzucht/ Ehebruch/ Blutschande/ welches
Heydnisch ist/ vnd nicht Christlich. Wir leben in Fref-
sen/ Sauffen/ vnd andern Viehischen wollüsten/ vnd
wer also nicht lebet/ der ist ein *Idolum*, der für nichts ge-
halten wird/ Welches aber Heydnisch vnd verdammlich
ist. Wir leben in Hochfare/ Hochmuth/ in Stolz/ bey-
des im